



Broj:09-20-11-2-1060/20
Datum: 09.10.2020. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj:81/14), čl. 27. i 70. Zakona o javnim nabavkama („Službeni glasnik BiH“, broj:39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2020.godinu, zamjenik direktora Federalne uprave policije, d o n o s i:

ODLUKU

o izboru najpovoljnijeg ponuđača za nabavku opreme za javni red i mir

1. Na osnovu obavještenja o nabavci objavljenog u „Službenom glasniku BiH“, broj: 30/20 od 29.05.2020. godine proveden je pregovarački postupak sa objavom obavještenja o nabavci, u predmetu nabavke: opreme za javni red i mir.

2. Odluka o izboru najpovoljnijeg ponuđača za nabavku opreme za javni red i mir broj 09-20-11-2-1060/20 od 30.07.2020. godine, po osnovu rješenja Ureda za razmatranje žalbi broj JN2-03-07-1-2093-9/20 od 24.09.2020. godine se poništava.

3. U predmetu nabavke opreme za javni red i mir, pristigle su dvije ponude, i to od ponuđača KM TRADE d.o.o Visoko i DanialS d.o.o Tešanj. Rješenjem Ureda za razmatranje žalbi broj JN2-03-07-1-2093-9/20 od 24.09.2020. godine, ponuda ponuđača DanialS d.o.o Tešanj nije ispunila zahtjeve i uslove koje je ugovorni organ postavio tenderskom dokumentacijom, dok je ponuda ponuđača KM TRADE d.o.o Visoko jedina ispunila uslove i zahtjeve iz tenderske dokumentacije.

S tim u vezi donosi se Odluka o izboru najpovoljnijeg ponuđača KM TRADE d.o.o Visoko - sa ponuđenom cijenom 94.500,00 KM bez PDV-a, odnosno 110.565,00 KM sa PDV-om, u postupku Javne nabavke opreme za javni red i mir.

4. Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj protokola 1412-3-1-110-3-49/20 od 20.05.2020. godine

5. Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.

6. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.

7. Za izvršenje Odluke zadužuje se Sektor za materijalno-finansijske poslove.

Obrazloženje

Ugovorni organ zaprimio je dana 28.09.2020. godine Rješenje Ureda za razmatranje žalbi broj: JN2-03-07-1-2093-9/20 od 24.09.2020. godine (u daljem tekstu Rješenje). Komisija za provođenje postupka nabavke u skladu sa članom 8. Zakona o javnim nabavkama za 2020. godinu (u daljem tekstu Komisija) detaljnom analizom sadržaja istog konstatovala da je Ured za razmatranje žalbi u navedenom Rješenju usvojio žalbu žalitelja i poništio Odluku ugovornog organa o izboru najpovoljnijeg ponuđača broj:09-20-11-2-1060 od 30.07.2020. godine. Također, u Rješenju je navedeno: „ugovorni organ će u ponovnom postupku okončati postupak predmetne nabavke, u skladu sa stavovima ovog organa iz predmetnog Rješenja i zakonskim i podzakonskim propisima iz oblasti javnih nabavki“.

Na osnovu navedenog ponuda ponuđača Danial S d.o.o. Sarajevo ne ispunjava uslove za razmatranje, jer ista nije u skladu sa zahtjevima i uslovima postavljenim u tenderskoj dokumentaciji za predmetnu nabavku.

Komisija je postupajući po Rješenju Ureda za razmatranje žalbi rukovodiocu organa shodno članu 70. Zakona o javnim nabavkama predložila donošenje nove Odluke o izboru najpovoljnijeg ponuđača u predmetu nabavke: opreme za javni red i mir, sa jedinom formalno pravnom i ispravnom ponudom ponuđača KM Trade d.o.o. Visoko, sa cijenom od 94.500,00 KM bez PDV-a, odnosno 110.565,00 KM sa PDV-om, a što je i konstatovala u svom Zapisniku broj 09-20-11-2-1060 od 07.10.2020. godine.

PRAVNA POUKA

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog /prvostepenog organa.

Prilog:

-Zapisnik Komisije nakon zaprimanja Rješenja Ureda za razmatranje žalbi za postupak nabavke zaštitne opreme za javni red i mir, broj 09-20-11-2-1060 od 07.10.2020. godine.

Dostaviti:

- Sektoru za mat-fin poslove
- ponuđačima
- u spis

**ZAMJENIK DIREKTORA
GENERALNI INSPEKTOR POLICIJE**

Ensad Korman